



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 七五四

愚齋存藁一百卷首一卷末一卷（首一卷卷一至卷三十五） 盛宣懷 撰

盛尚書愚齋 存稿初刊一 百卷

譚澤閏題

盛尚書存稿初刊一百卷總目

卷首

愚齋遺像

神道碑

墓誌銘

行述

陳序

唐序

魏序

張序

愚齋存稿

總目

福序

孫序

卷一至二十 奏稿二十卷

卷二十一至二十三 電奏稿三卷

卷二十四至一百 電稿七十七卷

卷末

山東新清河記碑文

福山縣德政碑文

煙台廣仁善堂碑文

南洋公學碑文

附祀潘文勤公祠碑記

奏稿呂跋

電稿呂跋

愚齋存案

總目

二

附祀潘文勤公祠碑記

總目終



皇清誥授光祿大夫太子少保郵傳大臣盛公神道碑

貴陽陳夔龍撰文

金壇馮煦書丹

湘陰左孝同篆額

百餘年來泰西諸國既以製器物前民用基富強乃愈以形下之學庸其民抽奇騁秘出殁神鬼摩乾鑿坤夷狎險阻颯馳電激雷轟霆吼挾其天驕憑陵吾土朝野上下瞠目熟視驚怖無極勢不可遏則姑與爲委蛇習之既久始稍稍謀所以效法之者而航業電政鐵路鑛務諸端紛然並起矣然疑擬交乘財力並殫忍尤叢垢患齋存彙

神道碑

恩補樓藏版

刻心嘔血垂三四十十年僅僅有此成績於國中者厥惟武進故郵傳大臣盛公之功公名宣懷字杏蓀又字幼勛別字次沂補樓愚齋止叟皆公晚年所自署也幼慧有深沈之思弱冠補縣學生屢試秋闈不第李文忠公督師入陝辟公爲幕府草檄萬言立就文忠奇其才累功由議敘主事洊保至道員初曾文正公及蘇撫丁公日昌有造輪船轉漕議因循久未決公爲文忠反覆陳說利害於條上所規畫文忠韙之遂以招商局屬公時輪船往來長江閩粵津滬間者爲旗昌太古怡和三公司而旗昌者名外商其實半華資也公白當事奏撥官

帑百萬與商款百二十萬質而併之用能有巨舶數十

艘船步屯棧徧各埠迄於今日蔚然爲內地航業巨擘他公司莫能並也當同治末疆吏有以電政爲言者被

俞旨矣未果行而英吉利海綫由香港達天津者已

十年且引綫達上海又設陸綫至九龍丹國水綫亦由吳

淞設陸綫達上海駁駁入內地公治航業既有效文忠

復以委公公執公法與英丹約購歸其陸綫而限水綫

止吳淞成津滬陸綫設電報學堂商股大集海疆要地

次第敷設十餘年間徧全國矣方法越事起閩粵間專

綫需款亟公遽移金州鑛款十餘萬以濟部臣不量事

愚齋存彙

神道碑

恩補樓藏版

勢綏急以失實議降調左文襄公方值軍機持不可復下其事南北洋曾忠襄公與文忠奏辨謂權宜裨益軍務甚大不當拘常例得旨寬免然猶降二級留任公從文忠久內政外交多所裨贊疆吏交章奏調爭欲得公佐理文忠留不遣嘗一攝津海關道旋授山東登萊青道調津海關道皆兼領輪電事如故所在咸有名績而任登萊青道時濬小清河設拯濟局兩事尤爲人所稱蓋公所蘊蓄無施不可世徒以擅實業許公猶目論也鄂督南皮張文襄公亦喜言興利事嘗設鐵廠漢陽費帑數百萬累六七歲無成功大冶鐵鑛固公所躬獲

乃奏請以公董其事復與直督合詞請以蘆漢鐵路任公遂拜開缺以四品京堂候補督辦鐵路總公司之命於是輪電路鑛諸要政萃於一人矣當是時外人以吾國初築路爭貨款以工作自承而紳商亦競言路事公默察言者多空談其實皆陰挾外資自重公私財力並匱非借款不足以集事借款莫比美便比國小無遠圖美越國鄙遠亦未有侵略意也乃貸比款築蘆漢而以粵漢路借美款一時學子爭言貸款喪權士大夫亦交起齟齬公湘人持之尤力美約遂廢粵漢路亦卒不可成成者獨蘆漢而所貸比款如約償不如學子言始人

愚齋存案

神道碑

王

恩補樓藏版

人扼腕矣公初筦輪電兩局忌者已造蜚語中傷公數被彈劾至是授太常寺少卿調大理遙領清秩總摯四政忌者愈益媒孽之公亦疏請避賢路而朝廷方嚮用公不許拳亂作疆吏定東南互保約隱微匡救多本公謀既而有旨命充會辦商約大臣就擢宗人府府丞兼辦理商稅事務大臣以贊襄議和功加太子少保銜晉工部左侍郎未幾丁父憂請罷一切差缺輪電始易人而電報國有議起商情猜疑爭欲以外資質已資公曉喻之乃已服闋入都以蘆漢路成引疾乞休溫旨慰問賜紫禁城騎馬公雖謝輪電事忌者終不慊

而甯滬蘇杭甬各路復繼粵漢興然言廢約皆集矢公上徇眾意命唐紹怡代公公遂得一意治鑛厥矣先是漢陽廠因鐵於大冶而焦則取給外洋至公營萍鄉煤鑛利始不外溢又前置機爐與鐵質不類所冶鋼不可用以此致耗敗公易新爐冶之鋼乃與歐產埒歐美人見者莫不詫為中國前此所未有也授郵傳部右侍郎仍以商約差留上海公議商約持裁釐加稅說最力有成議矣而英人中道忽悔異商約罷不行論者惜焉逾年奉召入都命赴本任兼幫辦幣制事宜擢本部尚書改官制授郵傳大臣會給事中石長信疏言

愚齋存案

神道碑

四

恩補樓藏版

全國幹路宜歸國有下其議於部公是其議且條列所以顧恤商本者甚備而川民遽以此發難鄂變亦猝起朝廷欲罷公以弭亂而不知隱患已積觸閒即發此其名焉耳故公雖罷歸而國事終不可為也悲夫公起諸生所治皆未有故事非素習者徒以明敏勤懇為中外商人所敬服故終身銳意興學官津海關道時設北洋大學繼又設南洋公學上海所列科目皆注重理化公駐上海日久南洋成效尤著至今言學校者必首南洋而吾國銀行業亦以公所創通商銀行為嚆矢云天性仁厚勇於為善前後所籌大小振務至不可勝紀捐

私帑無慮百數十萬最後被 朝旨爲紅十字會長紅十字會者製泰西之名專以慈善事爲職志其規撫皆公所手定者也嗚呼公之志事昭昭在天壤當時雖或蒙謗議其所素持如增稅率改幣制亦未見之施行然今之言政者卒莫能過焉國變後五年丙辰三月以疾卒上海春秋七十有三所著有奏議二十卷電稿六十卷公牘書函若干卷子恩頤等以狀來乞文其家世妻妾子女生歿年月日葬所及其他行誼詳於誌者不具書書其筆筆大者俾刻於神道之碑而系以銘銘曰非常之原民所思毀俊疑傑審莫喻揮斥百靈效成務愚齋存案

神道碑

五 恩補機藏版

無前倬績後孰副昊天降苗公煦嫗救死扶傷作慈父生憎多口歿有譽我我豐碑照萬古有欲求之此其墓

皇清誥授光祿大夫太子少保郵傳大臣盛公墓誌銘

義甯陳三立撰文

閩縣鄭孝胥書丹

安吉吳俊卿篆蓋

公諱宣懷字杏蓀晚自號止叟姓盛氏江蘇武進人也曾祖諱洪仁議敘從九品本生曾祖諱林國學生祖考諱隆嘉慶庚午舉人浙江海甯州知州考諱康道光甲辰進士湖北鹽法道曾祖妣氏劉本生曾祖妣氏徐祖妣氏費妣氏費咸封贈如公階公以諸生起監司最受知李文忠公時文忠爲直隸總督務輸海國新法圖富愚齋存案

墓誌銘

十 恩補機藏版

強尤重外交兵備公則議輔以路鑛電綫航船諸大端爲立國之要與文忠意合於是 朝廷用文忠言次第任公以四者公亦終其身以四者自效竭精殫慮旁求孤詣艱阻而不悔疑謫而不恤歷歲紀卒底於成於航船首設招商局上海資併旗昌公司遂有巨舶數十艘浸益盛於電綫購歸英丹陸綫自成陸綫達津滬而海疆要地環郡國穿徼外以次設於鑛營大冶之鐵萍鄉之煤甄於一爐爲效尤著於鐵路築京漢數千里橫貫中原其粵漢議定垂施工矣爲假美款多撓敗之者中輟而有待其他學堂譯館銀行與四者相表裏備世

之急接踵建立南北相望凡所設施垂爲經制表禹甸
未有之局非常之舉中外屬目引爲難能嗚呼可謂一
代之才臣已所愿官由登萊青道調津海關道屢遷至
工部郵傳部侍郎擢郵傳部尙書及充會辦商務大臣
商稅事務大臣加太子少保銜最後改郵傳大臣公一
身履羣湊之衝所區畫及其所力任動關國家至計
維匡幹旋忍詢負重不可殫記最大者光緒庚子妖團
之亂召兵困使館其本國揣諸公使盡死方謀併力贊
我取快無餘地公居滬陰達電相國榮祿公曰事急矣
請姑許使館便宜通音耗以平其憤釋其疑從公言美

愚齋存案

墓誌銘

二

恩補後藏版

使乃最先馳報意少解變而爲保全中國之策自此始
後復締結諸疆助定東南互保約國不遽覆公之本謀
也公既任郵傳大臣會言官列陳鐵路幹而非枝者務
擅爲國有絕紛難而一統紀公審鄰國類沿爲常制
推以爲便復圖兼利交羣情者而後施行之及令下蜀
人大聞武昌之難繼作朝廷徇取議罷公尋悟詔
復公故官而國步已改矣公亦幽憂臥疾致不起夫
當國勢岌岌綱維久弛廢禍機四伏假以自逞何可
勝原且引繩而絕之絕必有處猶欲以此蔽罪於公豈
天下後世之公論哉公負智略肆應無窮更事久益曉

情僞接物平恕自謂有法言而無惡聲有微愠而無暴
怒故能通天下之志竭人士之力生平既盡瘁國事矣
於振災愈引爲己責眉累募金出私財赴之如不及遂
成故事爲萬方飢黎所託命至今無復尸大力號召繼
軌如公者世乃益慕思公矣公以丙辰三月二十五日
薨於上海享年七十有三配董氏繼配莊氏皆封一品
夫人側室刁氏贈夫人秦氏贈淑人劉氏贈夫人柳氏
封恭人蕭氏贈封恭人子八人昌頤舉人湖北候補道
德安府知府和頤附貢生候選同知皆前卒同頤候選
道恩頤勳五位簡任職取議院議員重頤候選道泰頤

愚齋存案

墓誌銘

三

恩補後藏版

殤昇頤湖南督軍署諮議鈞頤殤女八人孫七人癸亥
某月日葬公某縣某鄉某原三立父子頤習公承諸孤
狀督爲銘幽之文安敢辭銘曰
汗隆之運國倚競存天物怒流執還就因小拘自窘哀
僑窮援盛強有基精接八垠觥觥使相以人事君授公
四政草昧經綸投于詛詢奮于危艱卒所憑仗宙合一
新抱能餘施踵活就坤逢迎崩解志抑萬喧遺蹟布列
矜此勞臣

誥授光祿大夫太子少保郵傳大臣顯考杏蓀府君行述

府君姓盛氏諱宣懷字杏蓀一字幼勛號次沂又號補樓別號愚齋晚號止叟世爲江蘇常州府武進縣人吾

宗得姓肇於周文王子邠叔武至穆王時已易邠爲盛其後有南北二宗漢司空允之裔自梁國遷廣陵爲郡

著望皆南宗也迨宋南渡建祖某又徙金陵八傳而至明應城侯庸建文時拜平燕將軍屢撓北師卒以忠死

事詳明史本傳侯長子延一公延一公長子膚公以歲貢生官知縣自金陵卜居武進縣西北之龍溪是爲遷

常始祖 府君 曾祖考士洪公諱洪仁諱叙從九品

愚齋存案 附錄 行述 恩補樓藏版
事蹟載邑志及桑梓潛德錄 本生曾祖考逸帆公諱

林國學生並 誥贈奉直大夫晉贈資政大夫累贈光祿大夫 祖考惺子

公諱隆嘉慶庚午舉人浙江海寧州知州 誥授奉直大夫

誥封資政大夫累贈光祿大夫 考旭人公諱康道光庚子

舉人甲辰進士侍郎銜正一品封典布政使銜湖北鹽

法武昌道浙江候補道

誥封光祿大夫 曾祖妣氏劉 本生曾祖妣氏徐 祖妣

氏費皆

誥封宜人晉封夫人累贈一品夫人妣氏費

誥封夫人

誥贈一品夫人 先大父生子六人長卽 府君次 仲父燕

孫公諱衛懷附貢生候選郎中三諱廷懷四諱襄懷皆

幼殤五叔父燕孫公諱星懷附監生三品銜候選知府

卹贈太僕寺卿銜六 季父萊孫公名善懷附監生分部郎

中 府君之生也在道光甲辰九月其春 先曾大父

在安吉官廨夢舊宅老杏一株花發如錦聞 先大母

方娠心以爲祥 先大父又適捷春閣迨 府君生遂以

愚齋存案 附錄 行述 恩補樓藏版
杏字焉歲己酉 曾大父以 大父已筮仕於皖乃自

浙謝病歸見 府君端凝朗秀舉止如成人輒心喜語

所親曰是兒必爲偉器 府君自勝衣就傅卽穎悟洞

澈好深湛之思質疑問難每出所肄諸經外塾師或無

以對而心奇之庚戌冬 大父權判和州 大母奉

陷又渡江居鹽城 大父方權湖北糧道遣使奉迎乃
自通州航海至寧波由金衢間道出江右轉輾以達於
鄂水陸數千程寒暑六閱月崎嶇險阻倖而獲全 府
君與 從伯父柏蓀公上侍重闈下撫親屬至纖至悉
將護維謹使老人不知有亂離轉徙之苦時 府君年
才十七耳同治壬戌 先妣董夫人來歸時 大父官
湖北鹽法道值川淮互爭引地相持久不決 府君於
趨庭時私草川淮並行之議 大父採其說以上卒如
所議行 大父心賞 府君益勉以有用之學 府君入
秉庭訓出與鄂中賢士大夫遊蓋自胡益陽嚴新繁相
忠齋存案

附錄 行述

三

恩補懷慶府

繼撫鄂軍務吏治嚴明整飭冠於各行省 府君既事
事研求益以耳目濡染遂慨然以匡時濟世自期生平
事功基於此矣癸亥十一月伯兄 昌願 生丙寅偕 仲
父同籍應童試同補縣學生適 曾大父以是年重遊
泮宮學使和州鮑花潭中丞源深親書携孫同游扁額
以贈士林以爲美談其明年五月 曾大父以微疾捐
館 府君隨侍 大父扶輿回籍七月仲兄 和願 生會
丁卯秋試 府君以 曾大母期望甚切未幾頗快悵
十月 曾大母見背戊辰七月 不幸 生其冬 大
母又棄養 府君以 大父積勞之躬迭遭悽逆哀瘁

若不自勝遂茹悲制痛曲謝 大父而每慟幾絕枕裯
閒淚漬常斑斑也 大父自奉諱家居意爲惇宗睦
族之事設義莊增祭田建義學修宗譜 府君亦以讀
禮餘暇參預規畫絕不以外事擾心庚午二月 仲父
蕉蓀公卒 大父命以仲兄爲之嗣四月李文忠公由
鄂督師入陝防剿同逆帷幄需才楊藝舫京卿宗濂函
招 府君入幕文忠夙與 大父雅故一見器賞派委
行營內文案兼充營務處會辦屬囊鞬侍文忠左右盛
夏炎暑日馳騎數百里磨盾艸檄頃刻千言同官皆
斂手推服未幾天津教案事起畿疆戒嚴 府君從文
忠由陝歷晉馳赴直省涉函關登太行盡攬山川阨塞
形勝日與文忠部曲名將郭壯武公松林周壯武公盛
傳輩討論兵謀歷練日深聲譽亦日起旋奏調會辦陝
甘後路糧臺淮軍後路營務處 府君初以議叙主事
改候選直隸州從軍逾年浔保知府道員並

附錄 行述

四

恩補懷慶府

賞花翎

二品頂戴辛未畿輔大水 大父倡捐棉衣振米命

府君詣淮南北勸募集資購糧由滬赴津散放是爲
府君辦理振務之始先是丁卯戊辰間曾文正公及
丁雨生中丞日昌在江蘇督撫任時採道員許道身同
知容閱條陳有勸諭華商置造輪船分運漕米兼攬客

貨之議日久因循未有成局 府君以爲大利不可不興每欲有所陳說至壬申五月見文忠及沈文肅公議覆閩廠造船未可停罷摺內皆以兼造商船爲可行遂獻議二公主張速舉大致謂各國通商以來火輪夾板日益增多駛行又極迅速中國內江外海之利幾被洋人佔盡現在官造輪船內並無商船可領各省在滬殷商或置輪船或挾資本向各口裝載貿易俱依附洋商名下如旗昌金利源等行華股居其大半本利暗折官司不能過問若正名定分由官設局招徠俾華商原附洋股逐漸移於官局實足以張

愚齋存案

附錄

行述

五

恩補懷藏版

國體而弭隱患擬請先行試辦招商爲官商接洽地步踈商船造成隨時添入推廣通行又海運米石日增江浙沙寧船不敷裝運有商局輪船輔其不足將來米數加多亦可無缺船之慮文忠深聽其言乃命 府君會同浙江海運委員朱雲甫觀察其昂等酌擬試辦章程上之江浙大吏文相贊成於是南北合籌規模漸具是爲 府君辦理輪船招商之始癸酉六月奉文忠劄委會辦該局事宜兼管運漕攬載八月應北關鄉試報罷甲戌以直屬水災振撫案叙勞

賞加布政使銜先是洋商旗昌怡和太古各公司輪船已久

在長江及閩粵津滬海面往來如織 府君請於文忠號召熟悉商務之粵紳唐廷樞徐潤等爲據董倡招華股力乘其遂而力薄勢微洋船復大跌水腳併力傾我府君日夕與朱雲甫翼甫唐景星徐雨之諸公苦心摩畫力任艱鉅然瀕於折閱者數數矣光緒乙亥秋文忠會同江督劉忠誠公鄂督李勤恪公劄委督辦開採湖北煤鐵礦務仍兼領招商局事時風氣未開民間惑於地祲風水之說旁撓者衆經營累月始有端緒而廣濟與國所屬佳礦尤多 府君以各省船砲等局需煤日廣與其購自外洋不若採自中土而土煤稅重難期暢行乃請援照臺灣減稅成案辦理蓋雖蕞路藍縷而已肇今日治礦宏富之先聲是爲 府君辦理礦業之始丙子六月文忠赴煙台與英使威妥瑪議結滇案 府君隨節多所贊畫初同治丙寅英商擅築滬達寶山江灣鎮鐵路至光緒丙子又展至吳淞滬道奉上官命屢向英領阻止至是威使以爲言文忠即奏派 府君詣滬與英員梅輝立會商歸宿之法八月恩應秋試出闈即與梅輝立定議於江寧以二十八萬餘金購歸行止聽我自便旋以鐵路不適用於中國群議拆毀 府君陰惜之而莫由爭也榜發又薦而未售由是 府君遂

愚齋存案

附錄

行述

六

恩補懷藏版

絕意科舉矣輪船招商局應辦已經五年轉苦支撐商股官款兩皆漸裕旗昌公司久因爭跌虧耗陰欲退讓一言輕發爲 府君所持遂倡歸併旗昌之議旗昌成本號三百萬兩迭與核實磋商減卒以二百二十二萬兩成交文忠以費鉅難籌使 府君就商於江督沈文肅公

府君馳赴金陵滙陳此局之關緊國防大計江海利源苟囿於狹小他日決不足與各國商輪競是歸併旗昌厚我勢力實爲此局生死存亡之一大關鍵言之累日不已文肅鑒 府君誠知必集事且深知此舉爲要圖慨允奏撥公款百萬金以濟不足原奏有云不可失

愚齋存案

附錄 行施

七

恩補樓藏版

者時也有可憑者理也論時則人謀務盡適赴借賓定主之機論理則天道好還是真轉弱爲強之始 府君每誦之曰斯誠謀國老成滿志躊躇語也是役也驟增巨輪十數船步屯棧林立遂與怡和太古並號三公司名且駁駁駕而上之焉丁丑二月 府君以直隸儘先補用道稟請赴部引

見文忠奏稱該員心地忠實才識宏通於中外交涉機宜能見其大其所經辦各事皆

國家富強要政心精力果措置裕如加以歷練必能幹濟時艱爲國大用等語論者謂 府君膺此上考殆無媿

詞自光緒紀元以來山右頻歲大禱赤地千里直豫亦皆曠乾南中義振實權輿於此皆厥後若施少欽封翁嚴佑之廣文謝綏之太守諸公皆以委身振荒名動天下而咸奉 府君爲標幟戊寅河間府屬被災劇重吳憲齋中丞時以編修自請放振文忠奏派 府君及李秋亭太守金鏞與偕 府君稔知州縣查戶假手胥役不足恃每躬自巡行邨落風日徒步按戶抽查在東光縣某鄉竟至露宿終夜歸而欬逆上氣大作蓋畢生喘疾所繇萌芽也 府君目擊災重款細捐貲爲倡罄所積集金巨萬猶不足庶母刁夫人見 府君籌思中宵

愚齋存案

附錄 行施

八

恩補樓藏版

悴形於色乃典鬻珍物盡出己蓄以附益之十一月先妣董夫人以產後誤服涼劑病歿 大父命刁夫人主持家政俾 府君稍紓內顧之憂己卯十月奏署天津河間兵備道值災情方劇受任伊始首先綜理振務集捐數十萬兼資工撫救濟甚眾並裁革天津縣書差供應各項積弊建廣仁堂留養孤嫠設戒烟局民間戒除者萬入政聲炳著時文忠督直久內政修舉海內翕安恒思效法歐西爲自彊大計知 府君夙以開通風氣自任輒垂問商榷 府君以爲欲謀富彊莫先於兩大端兩者維何鐵路電報是已路事體大宜稍遼緩電

則非急起圖功不可文忠懔然曰是吾志也子盍爲我成之 府君唯唯是爲辦理電報之始當同治之季日本窺臺灣沈文肅諸公即屢言電報之利奉

廷諭

飭辦而不果行往歲文忠始招丹國人設綫於大沽北塘礮台傳令通信莫不稱便其時英國海綫已由香港

至廣州循通商各口以達天津者十年矣至是復援前案引綫達上海且先在香港對峙設陸綫至新安縣屬

九龍地方丹國水綫亦由吳淞上岸設陸綫抵上海勢

將延入內地庚辰秋 府君亟請於文忠照輪船局辦法招集商股奏設津滬陸綫通南北兩洋之郵邊洋綫

愚齋存彙 附錄 行述 九 恩補樓藏版

潛侵之忌竝請即設電報學堂育人材備任使繼復約

丹國拆去上海陸綫購歸中國其水綫之端與英綫皆

限至吳淞爲止又商之香港英員我亦設電局於港而

拆去其九龍已成之陸綫蓋英丹商人知我國明習電

務者少覬覦攘利擴權 府君獨執萬國公例與之力

爭時歷二年筆舌交敝始克釐定條款會訂水綫相接

合同江督左文襄公粵督張靖達公皆奏明有案且有

熟諳外情操縱得宜之褒是役也文忠固專任 府君

而曾惠敏方奉使英倫亦藉 府君策畫爲折衝之具

深相推重辛巳冬津滬陸綫工竣文忠奏派 府君爲

總辦逾年商股大集分期繳還官本遂與輪船招商同

爲官督商辦之兩大局而輪船則自成立以來頗經艱

困且規制宏出納鉅疑謗緣是而起董侍御偶翰王祭

酒先謙相繼彈劾詞連 府君文忠迭派津道鄭玉軒

京卿藻如滬道劉芝田中丞瑞芬製造局道員李勤慤

公興銳查辦三公皆廉正負時望於 府君前雪備至

文忠據以上聞有該道前派會辦招商局訂明不經手

銀錢不支領薪水嗣以屢次代人受過堅辭會辦臣嚴

密考督該道勤明幹練講求吏治熟習洋情在直有年

於振務河工諸要端無不認真籌辦洵屬有用之才未

愚齋存彙 附錄 行述 十 恩補樓藏版

敢稍涉回護等語疏上事乃益自云方 府君權津道

時 大父以入都謁選莅津次年曾忠襄公督防榆關

奏派 大父駐津辦理轉運 府君得時親定省至壬

午春 大父宦浙年餘 府君望雲心切遂乞假赴杭

省親竝往來杭滬蘇常間料量家事六月朝鮮內亂文

忠方奉詔回籍有

詔敦促馳赴天津部署軍事時張靖達署直督東事粗定文

忠被

命署北洋通商大臣函招 府君銷假回津未幾英法德美

各使請設立萬國電報公司於滬擬添由滬至粵各口

海綫竝錄英商添設自滬至甬甌閩厦汕海綫其勢幾難禁拒 府君請勸諭華商自設沿海各口陸綫以爭先著使彼無利可圖或者中止且從此海疆各省與京外脈絡貫注實於洋務海防有裨即商民轉輸貿易消息靈通爲利亦更廣遠文忠遂與譯署商派 府君詣滬次第開辦癸未春文忠同統憲親會越南邊防緊要朝命文忠駐滬統籌全局再定進止 府君參預機宜靡閒

昕夕七月文忠回直督署任 府君隨同抵津法越事起北洋海防益亟沿海七省戒嚴文忠函商譯署議設海部兼籌海軍 府君繕具條陳請考查德日二國辦恩齋存案

附錄

行述

十一

恩齋樓藏版

法分年籌款逐漸添船爲經始根本當時言海軍者皆攘臂動色爲鋪張揚厲之談文忠獨許 府君爲能扼要九月以山東利津等處水災振捐案經東撫陳雋丞中丞士杰奏請傳

旨嘉云是冬赴福州廣州與英商大東公司磋商閩粵海口接線事適粵省沙面地方有焚燒洋房之案議賠棘手甲申二月 府君已旋津張靖達專摺奏調 府君赴粵辦理此案未成行閩督撫何小宋制府環張友山中丞兆棟又奏調赴閩奉

批旨前據張樹聲奏請將盛宣懷調往廣東辦理沙面案件

一時不能赴閩欽此既而粵案漸就結束文忠以北洋要地正需臂助且電務繁重廣東非適中之地恐難遙制特疏奏留有云該道智慮周詳於交涉重大事件洞悉癥結經辦各事剛柔得中不爲撓屈歷著成效且今之熟習洋務者往往於吏治民生易於隔閡究之洋務與吏治不應分爲兩途惟該道施措咸宜經權悉協倘任以通商繁劇之地必能宏濟艱難緩急足恃嗚呼文忠之器任 府君如此其摯 府君之感激自勵引爲畢生第一知己宜也五月奏署天津海關道是缺當北門鎖鑰之衝本極繁要復值法人構釁北起遼瀋南盡

附錄

行述

十二

恩齋樓藏版

臺瓊羽檄交馳徵調頻數海疆各省電報接綫無月無之 府君兼營竝進游刃有餘攝篆僅四閱月而事無不舉是月閩粵陸線竣工滬港可直達丹公使謂礙彼利權 府君折以中英兩公司有約在先港地與丹無涉又諷大東行主勿爲丹人所愚致爽前約駐津英領使繙譯詳詢章程 府君又以電綫由中國自主英商祇須查照合同辦事不應過問詳章答之 府君對外之堅持權限類如此方法事之殷招商局輪船往來洋面日有戒心法人又有遇船劫奪之誣眾商洵思議援西例將局產暫售美國旗昌行主代爲經營換用美旗

照常駛行以保成本其價照原值銀兩以銀票如數抵給俟中法事定將銀票給還收回船棧彼此誓旨決不失信訂立合同契據奏報在案九月旗昌行東米士德來津 府君復與堅訂屆期收回密約逾年法事大定

府君奉委會同馬眉叔觀察建忠料理收回事宜

國體商情兩臻妥協而一年來私售局產之浮言乃頓息矣癸未春夏間 府君以閩粵等處電綫道遠費法越事與市面清寥商股觀望不得已暫挪金州礦款十餘萬金以濟急需均經詳咨有案且礦電商股皆 府

君所招集以礦易電商所樂從股本無慮虧耗而部議

愚齋存案

附錄 行述

十三

恩補機藏版

謂爲辦理含混鋪張失實科以降級調用處分時左文襄初入樞府方奏保 府君才堪大用奉

旨以海關道出使大臣交軍機處存記至是文襄復疏言人材屈抑可惜請飭查明妥議事下南北兩洋會同查覆旋經曾忠襄及文忠奏辨且有蘇浙閩粵電綫所以速成者皆該道移緩就急之功於軍務裨益尤大等語旋得

旨竟免降調處分改爲降二級留任 府君函謝文襄文襄

報書有云盤根錯節乃別利器君宏毅任重而動招曾尤正天之玉於成也烏乎 府君一生信而見疑忠而

被謗蓋有自來矣乙酉六月以臺北解嚴官紳籌運出力案經楊勇愨公岳斌劉壯肅公銘傳奏請奉

旨從優議叙七月文忠以 府君總理電綫成績卓著特疏請獎奉

旨以海關道記名簡放九月 府君自津至杭省視 大父

起居捧觴上壽去秋招商局收回後文忠即奏派 府君認真經理嚴定章程力除弊竇務使商民信從可資經久本年秋季南北兩洋又奉

寄諭加意整頓 府君順道詣滬通盤籌議具復大要謂東

西各國商務多由國家補助誠以商業興衰關乎國計

愚齋存案

附錄 行述

十四

恩補機藏版

疆弱必相與維持於不敝中國帑藏非裕風習不同若欲政府出貲補助勢有不能然亦非無可籌之策擬請先將該局運漕水脚照沙甯船一律並准同空貨船免稅俾獲贏餘分年還債藉紓商困而杜外謀文忠忠襄據以上達得

旨分別議行丙戌五月醇賢親王巡閱北洋水陸各營 府

君以隨同經理輪電各事出力奉

旨從優議叙六月

簡授山東登萊青兵備道兼東海關監督東海地屬青齊自互市以來遂爲畿疆左輔海防權政皆受成於北洋

府君所締輪電兩政以津滬爲樞紐而煙臺介居其中
控馭聯絡形成輔車勢若指臂

朝命以茲席界 府君所謂人地相需者無逾於此時張勤

果公昭撫東庠政脩明盜賊斂迹惟汲汲以河患爲憂
丁亥夏直隸開州黃河漫溢灌入東境濮范一帶均被
水災繼以鄭州大決奪溜南趨自豫省下游波及皖北
淮揚亦岌岌可危而東省河工疏導防汛事宜尤爲喫
緊 府君初聞鄭州之警卽捐廉俸發庫款備振一面
馳電各省勸捐敦促南紳嚴佑之諸君分馳拯拯勤果
公以治河方略博采衆議 府君上說帖萬餘言因地
愚齋存案 附錄 行述 十五 恩補樓藏版

諭勤果虛衷彌服 府君之遠識云是年五月榮城縣海岸

有保大輪船失事村民乘危撈搶不服彈壓偪辱縣令
兇毆弁勇 府君會同防營孫紹襄軍門金彪查辦該
邨抗不交犯繳贖不得已乃將滋事首從解省審辦本
籍御史牟蔭喬等遂以縱勇擾民彈劾事下東撫覆查
不實得

旨毋庸置議 府君念所轄境內海綫廣袤島礁林立航行

偶一失事居民肆掠相習成風沿海編氓有以搶灘爲
生業者因具稟撫院暨北洋大臣請重申總理衙門奏
定保護中外船隻遭風遇險章程實力整頓勤果卽飭

府君酌議新章六條奏上奉

旨下所司永遠奉行 府君於是有拯濟局之設捐廉集貲
廣置舢舨遴派能冒艱嶮之員購募善泅夫役部勒梭
巡聞警立赴估舶漁舟藉以出險者無歲無之越數年
富有輪船觸礁沉沒該局奮勇援救生命財產泰半獲
全 府君在官之實惠及人悉此類也戊子七月駐津
法領事林椿奉其政府命至煙會同 府君商訂滇粵

愚齋存案 附錄 行述 十六 恩補樓藏版

邊界與越南北圻接線事件十月約成經文忠奏准滇
粵大吏皆與聞其事越歲己丑粵督張文襄忽致函譯
署謂事後推散此綫益彼損我實不可行 府君抗言
中法接綫原爲藉收通報利益助滇粵官局養綫之需
但能堅守約章自屬有利無害設兩國有事法水綫隨
地可通無藉此綫可不必慮今彈春海蘭泡欲接俄綫
彼方刁難現准法接旱綫俄必較易就範於電務大局
有益且英丹日皆與我接何獨拒法況已奉

旨尤不宜中悔貽笑外人譯署深然之是約定後果不逾年
而中俄接綫草約告成 府君之持大體善因應又此